

Theol.
2549
4879

L. 4879
40 Theol. 2549/9

Theol. 2549
4879

D. O. M. A. ONSCIENTIA THEOLOGICE EXPLI- CATA ET PER THESEIS DISTRIBUTA, AD MENTEM



Fulgentissimi Theologorum Luminis, ac Fide-
lissimi Divinæ Voluntatis Interpretis

D. THOMAE AQVINATIS
ANGELICI ECCLESIAE DOCTORIS.

QVAM,

In Comitijs Provincialibus Canonorum Regularium Can-
didi Ordinis Premonstratensis Circariæ Sueviæ in Im-
periali t) exempto Celeberrimo Monasterio March-
tallensi SS. Apostolorum Petri t) Pauli
Celebratis,

Univ.-Bibl.
München

Intellectuali perpendiculo librandam,
PRÆSIDE R.P.F. DOMINICO AVRNHAM-
MER ORD. PRÆD. SS. THEOLOGIÆ PRÆSEN-
TATO, EIVSQUE IN DICTO MONASTERIO
PROFESSORE ORDINARIO,

Publico certamini proponent,

Rnd:Pater & RR. Fratres SS. Theologiæ Studiosi ibid. Professi.
P. GODEFRIDVS DORNER, Fr. NORBERTVS KEIL,
Fr. IOSEPHVS HOEL, Fr. BARTHOLOMEVS AGRICOLA.

Mense Die Horis

Anno M. DC. LII.

C O N S T A N T I A E,

Ex Typographèo Episcopali, Apud Ioannem Geng.

17
16
15
14
13
12
11
10
9
8
7
6
5
4
3
2
1
0

PERILLVSTRI ET R.^{mo} IN CHRISTO
PATRI AC DOMINO, DOMINO
AVGVSTINO. LE SCELLIER,

&c. Canonici Ordinis Præmonstratensis Generali meri-
tissimo, Divi Magni Patris Augustini Doctoris Ec-
clesiæ Cultori ac Imitatori Religiosissimo.

Arcus intensus cum sagitta amoris & obsequijs
deditissimis oblatus & Tholo Religioso appensus,

Augustinus amans intense Lumen Olympi,
A binis telis saucia corda gerit.

Scilicet hoc vulnus fecit diuinus amoris
Arcus, ut in proprio stent duo tela scopo.

Nulla Cupidineis impletur arundo venenis,
Ut Deus est purus, sic nitet eius amor.

Ter Venerande Pater, Nivei ter Maximus Præsul
Ordinis, hoc signum stat quoq; corde tuo.

Numen amas, primum sic vulnerat impete telum,
Numen cognoscis, tela secunda volant.

Verus telorum scopus est cor pectore candens,
Cognoscendo Deum, plus, reamando Deum.

Ast non sufficiunt, alterna in corde sagittæ,
Addenda est illis tertia, noster amor.

Ergo sagittamus votis, nunc arcus amoris
Tenditur, intensus sit tibi noster amor,

A Religioso & Humili Conventu Marchtallensi & binis
in eo studiis Theologico ac Philosophico,

PERILLVSTRI AC REVERENDISSIMO
IN CHRISTO PATRI, AMPLISSIMO
PRÆSVLI ET DOMINO, DNO,

A V G V S T I N O
LE SCELLIER,
PRÆMONSTRATENSIS ARCHICOENOBII
A B B A T I ,

Christianissimi Francorum Regis Consiliario & Eleemosynario, totius Canonici Ordinis Præmonstratensis Supremo Capiti & Reformatori Generali, Domino nostro Clementissimo & Gratiostissimo.

REVERENDISSIMIS ITEM ATQVE AMPLISSIMIS
PRÆSVLIBVS AC DOMINIS D. CELEBERRIMÆ
Circariæ Sueviæ eiusdem Candidi & Canonici Ordinis

Præmonstratensis,

A B B A T I B V S E T P R Æ P O S I T I S

MERITISSIMIS ET VIGILANTISSIMIS,
D. LUDOVICO per Sueviam, Al-
satiam & Grisoniam Visita-
tori & Vicario Generali,

D. MATHÆO,

D. FRIDERICO,

D. IOANN. CHRISTOPHORO,

D. MATHÆO,

D. CONRADO,

D. GEORGIO,

D. DOMINICO,

D. AD S. LVCIVM,

D. NORBERTO Præposito Cellæ omnium Sanctorum,

Dominis nostris observandissimis.

Celeber: Monast.
Rothensis.

Vrspergensis.
Roggenburgensis.

Minor Augiensis.

Sorethani.

Marchtallensis.

Adelbergensis.

Wildenensis.

propè Curiam.

Slere Leges inter arma, Perillustris & Reverendissime Praeful Generalis, Reverendissimi & Amplissimi Patres, plus quam compertum est; nec à vero aberraverit, qui legibus sacram litterarum studia iungens utrumq; anima lumen, Scientiam nempè & Conscientiam bellorum turbine vel obscurari dixerit, vel extingui. Geminum hoc damnum vicine passim lugent Provinciae, quæ gravissimis calamitatibus immersæ, cessante bonarum artium cultura, migrante exemplari vita disciplina, miserè propè modum sylvestrare, & vix non corrvere videbantur. Nec mirum. Amplissimarum namq; domorum adficia binas super columnas fundata, ijs consistentibus, necessum est adficiūm consistat, ijs verò collabentibus, adficiūm quoq; collabi oportet, vt iam eiusdem neq; species, neq; decor remaneat, sed totum in rudera solvatur.

Status Religiosus tale adficiūm est, Perillustris & Reverendissime Pater, Amplissimi Praefules, constructum in duabus præcellentibus columnis Pietate vid: & doctrina, quibus in firmandis aut exornandis adficijs spiritualibus nil operiosius, præstantius nihil reperiri potest, ijs namq; comitibus nunquam dignitates Ecclesiasticae, nunquam status religiosi, nunquam clarius DEO consecratæ fulsere Republicæ: ijs verò collabentibus Religio omnis exalat, virtutes dilacerantur, scientia pessundantur, & ea atq; ferina ubiq; dominatur ferocitas.

Vtramq; hanc columnam eodem incomplexo Conscientiæ nomine insigniri nemo inficiabitur, qui mysteriosum hoc vocabulum altius contemplatus fuerit; quod si primam triliteralem syllabam (con) perdat, destruitur prima columna, pietas vid: & recta ratio agendi, manetq; sola scientia, ast quoniam scientia (que vid: non est secundum DEVVM, nec secundum conscientiam) inflat, prima ad Cor. 13. & ipsa corruptioni obnoxia, pereunte similiter eius primâ triliterali syllabâ, (Sci) perit altera columna, & sola entia remanent, ut iam ex tam operoso religiosi statutus adficio, collabentibus columnis, Scientiâ vid: & Conscientiâ, pietate & doctrina, nil superfit nisi entia, id est, sterilia rudera, imò vix vestigium amplius religiosa domus compareat. Nec longè eiuscemodi ruina, petendum est exemplar: experientiâ namq; sat superq; compertum est, quam lamentabiliter euulatu, quam lugubri voce, per plurimorum annorum curricula (ferociente nimirum tam atroci & sanguinolento in Germania bello, & totum fermè Romanum Imperium funditus devastante) DEI Ecclesiæ, Religiosa domus &c hunc casum, hanc ruinam columnarum suarum deplorârint & etiamnum deplorent.

Ast redijt, sedat à Martis feritate, serenitas, redeunt (post militare ferrum, in usum Homeris ac falcis restitutum) mores & disciplina, pullulant in nostra obsequia faciles Musæ, imò scientiarum Magistra Theologia cum Philosophia ministra in medio nostrum (nutu Reverendissimi & Amplissimi Dni. D. Abbatis & Patris nostri amantissimi saluti filiorū suorū solertissimè prospicientis) iam iam sedem fixit, quotidie personat, & lippidissimi instar rivuli in animos nostros mit-

tit eloquia sapientie sua, eò clariora, quò ex puriore fonte Angelico scil: Præceptore D. Thoma uberrimè diminantur; præfertim verò id unum agit modò, ut conscientijs nostris recta persuadeat, erronea tollat, probabilia sequi, examinare dubia, scrupulosa denig, faciat detestari: quibus velut fundamento & primâ columnâ ad reparandam domum religiosam positis, in reliquas captu difficultores materias audentius ire, sententiam prætere a minus tutam, suspectam aut erroneam, quasi araneam D. Conradi ejcere licebit, ita enim fiet, ut totum edificium spirituale iam dudum, iniuriâ temporum, in mera entia & ruder a solutum, tandem velut Phœnix ex cinere ab integro resuscitetur, atq; ex entibus perfecta scientia resurgat & Conscientia. Hanc igitur Conscientiâ Theologicâ explicatam & per theses distributam, palam discutiendam, offerimus comprimis Tibi Per illustris & Reverendissime Pater, utpote supremo Capiti & Generali Reformatori Conscientiarum nostrarum, ut Tuo illustretur aspectu, Tuis decoretur, munaturq; præsidii: suadent hoc animi Tui ornamenta atq; insignes dotes, allicit Tua Nobilitas & Virtus, monet Religio & Pietas, doctrina & prudentia, gravitas & humanitas, urget Tua in rebus gerendis dexteritas, in subditis regendis facilitas, ergâ omnes affabilitas, ut Tibi velut laudatissimi Ordinis nostri Primati laborum nostrorum Primitias consecremus, atq; in gremium Optimi Patris studiorum nostrorum fructus, quos in SS. Theologiae campis collegimus, deponamus. Hos igitur patere Dignitatis Tuæ limina subire, & sub Nominis ac Pallij Tui tentorio super Gregem tuum extenso, acquiescere, sub cuius tutela nos tanquam tutissimâ parvâ victores, & pugiles scholasticos ac Religiosos defendendos, triumphaturosq; speramus.

Deinde ad Vos Rmi & Amplissimi Præfules (quos Generale & supremum Caput nostrum suos veluti Vicarios in regendis ac dirigendis filiorum suorum Conscientijs inclamat, pias, rectas, sanctasq; ut plantetis, erroneous verò & quibuslibet periculis obnoxias Divinæ ac Summæ Maiestati abominabiles radicitus eliminetis) tanquam splendidissimos Clypeos Canonicum Ord: nostrum mirè exornantes configimus, sic enim, cum virtus unita sit fortior, fiet, ut Reverendissimi Generalis Tiara protecti, vestris verò pastoralibus baculis ceu gladijs defensi, hostem glorijsè subigamus, feliciter triumphemus, ubi vestre laudabilis vita rectæque conscientiae ductum, quod hoccè thesum fasciculo contestatum volumus, filiorum more semper ac indefesso spiritu securi fuerimus. Favete pariter, vivite felices, & Ecclesiæ, Ordini ac Monasterijs Vestris quam diutissimè incolumes perstate. Ita vovemus, ita precamur,

Per illustris & Reverendissimæ Paternitatis Tuæ,

Reverendissimarum & Amplissimarum DD: Vestrarum,

Devotissimi Clientes,

P. Godefridus Dorner.

F. Norbertus Khey.

F. Iosephus Hoel.

F. Bartholomeus Agricola,

Canonici Marchtallenses,

SS. Theologiæ Studiosi.

P R A E F A T I O.


 Atholica veritatis & Ecclesiae Doctor vere
 Angelicus D. Thomas Aquinas, Catholicum
 quemvis Christianæ scholæ discipulum & exi-
 lij huius viatorem, ad cœlestem, pro qua cre-
 atus est, æternae beatitatis patriam, seculo tramite dirigere
 ac transmittere cupiens, in pluribus suis operibus, tum vel
 maxime in aurea illa sua PRIMA SECUNDÆ, de rectitudine &
 bonitate humanorum actuum, tum interiorum, tum exteriorum,
 tanquam medio omnibus modis necessariò ad attinge-
 num perennis illius felicitatis scopum sollicitè valde instrue-
 re contendit; inter actus autem illos internos ipsa hominis
Conscientia principem quasi occupat locum, & speciali,
 cautaq; omnino ac prudenti indiget directione: Hinc non
 abs re nos facturos existima vimus, si eandē materiam (de
 qua Theologi Scholastici fermè omnes cum illo suo Angelico
 Magistro in Prima Secunda super questionis 19. articulum
 5. & 6. copiosum formant tractatum de Conscientia eiusq;
 divisione, & obligatione &c.) compendio quôdam constrin-
 gentes, publico certamini, intellectuali perpendiculo libran-
 dam exponeremus. Cum autem **Conscientia** sit varia,
 nec exigua inter DD. oriatur controversia, ex cuiusnam
 conscientia cōformitate actus humanus reddatur & fiat bo-
 nus, itemq; ex cuius difformitate constituantur malus, placuit
 id subiectis Thesib⁹ explicare, easq; in quinq; partes dividētes
 in 1. de **Conscientia** uni-versim eius divisione, & in specie
 de recta, in 2. de erronea in 3. de dubia, in 4. de proba-
 bili, & denique in 5. de scrupulosa agemus.

PARS PRIMA.

De Conscientia universim, eiusdivisione: in Specie de recta, eiusque obligatione.

THESIS I.

Ethymon huius nominis Conscientia.


Conscientia mysteriose hoc nomine vocatur, importat enim secundum vocabuli proprietatem ordinem scientiae ad aliquid, nam conscientia dicitur cum alio scientia. S. Tho. 1. p. q. 79. a. 13. Id vero duobus modis intelligi potest, vel quod ratio nostra cum DEO sciat, attendatque ad legem eius aeternam, num ab ea discordet, an vero eidem conformetur, quod modis quasi ex officio incumbit ei instar Procuratoris fiscalis indesinenter invigilare pro iure DEI sui, iudicatque aliquid hic & nunc vetitum aut concessum, malum aut bonum: vel dicitur cum alio scientia, id est, cum habitu *Synteresis*, cuius est dictare prima principia generalia moralia, v.g. bonum est faciendum, malum fugiendum &c. medijs quibus regulantur omnia agibilia; Conscientiae vero munus est, eiusmodi generalia principia in particulari applicare, ut patet in hoc discursu, omne bonum est faciendum, sed dare eleemosynam hic & nunc extremè indigenti, est bonum, ergo teneor ei dare eleemosynam; in quo iudicium praemissarum est *Synteresis*, iudicium vero Conclusionis est Conscientiae, proinde accommodè nuncupatur hoc nomine Conscientia, id est, cum alio scientia.

II. *Quidditas et natura Conscientiae.*

Hinc facilè liquet, Conscientiam neque esse ipsam intelligendi facultatem, cum haec deponi nequeat, Conscientia autem deponi potest, S. Th. loc. cit. in arg. sed contra, neque esse habitum aliquem superadditum ad iudicandum inclinantem, siquidem quilibet habitus vendicat sibi actus proprios alijs potentius minimè communes, quod conscientiae non competit, utpote cuius universi actus ad intellectum reducuntur: est ergo conscientia merum actuale iudicium intellectui inhærens instar actus secundi vitalis ab intellectu pratico eliciti, cuius est instigare, voluntatem ad opus morale, hic & nunc aggrediendum, vel omittendum: Vnde propriè loquendo conscientia nominat actum. S. Tho. loc. cit. in corpore.

III. *Quædam obiecta priori thesi ad-versa sol-vuntur.*

Nec officit primò, quod etiam dormientes dicantur habere conscientiam, in quibus tamen nec iudicium, nec dictamen aliquod actuale de opere executioni demandando inventur. 2. Scientia nominat

nat habitum, cum igitur conscientia sit quædam scientia, erit & ipsa habitus. **Tertio.** Saltem ex multiplicatis actibus ipsius conscientiae generabitur habitus. Non obsunt ista. Ad **Primum** namque respondet S. Thomas in quæst. disputatis q. 17. a. 1. ad 9. dicens, quod *quamvis conscientiae actus non sit semper, nec sit in dormiente* (intellige formaliter & per modum actus secundi) *tamen actus conscientiae manet in sua radice, id est in habitibus applicabilibus ad actum.* Ad 2. similiter respondet loc. cit. ad 3. quod *quamvis scientia sit habitus, tamen applicatio scientiae ad aliquid non est habitus, sed actus, & hoc significatur nomine conscientiae.* Ad 3. R. ex multiplicatis actibus generari habitum, quando non adeat sufficiens habitus vel formalis, vel eminens, qui possit tales actus producere, modò autem habitus *Synteresis,* sufficiens est ad eiusmodi actus eliciendos, qui conscientiae competunt.

IV. *Dividitur Conscientia in suas species.*

Conscientia in quinq. species seu membra principaliter dividitur, iuxta numerum principiorum, ex quibus dictamen rationis de rebus hic & nunc agendis aut omittendis existere potest. Vel enim conscientia per verum & legitimum discursum ex principio vero veram concludit sententiam, & est *recta*, vel procedit ex falso & improbabili principio, aliter iudicans de obiecto, quam re ipsa est, & dicitur *erronea*; vel est actus intellectualis procedens ex ambiguis principijs aut *luris* aut *Facti*, comparans & examinans operationem humanam ad regulas & leges absque omni resolutione, & est *dubia*: vel oritur ex principijs & motivis probabilibus, assentiturq; uni parti cum formidine alterius, & est *probabilis seu operativa*; vel denique adhæret uni parti non solùm cum formidine, sed etiam cum remorsu & anxietate, & dicitur *scrupulosa*.

V. *De obligatione Conscientiae rectæ.*

Cum Conscientia recta sit immediata & proxima regula humanorum actuum à libero arbitrio prodeuntium, procul dubio ligat, S. Tho. de ver. a. 3. ut unusquisq; teneatur se conformare huic regulæ, alioquin peccabit, teste Apostolo ad Rom: 14. v. 23. *quod non est ex fide, id est, exponente, S. Tho, ibidem lect. 3. & alijs SS. PP. quod non est iuxta propriæ conscientiae dictamen, aut ei adversatur, peccatum est.* *Quod si queratur, quomodo conscientia ligare possit, cùm homine non sit superior?* R. quod quamvis ipsa conscientia non sit superior homine, tamen lex aut præceptum, quod conscientia applicat, est quid superius, vel à DEO, vel ab alio Legislatore profectum. Nec requiritur quod conscientia quæ ligat, etiam absolvere possit: nam etiam Leges Civiles obligant in conscientia ad culpam (ut alibi docetur) à qua tamen potestas Civilis absolvere ne-

nequit, sicut nec homo seipsum à voto aut iuramento deliberata voluntate factio absolvere potest.

VI. Quænam bona sub obligante conscientia cadant?

Advertendum, duplex esse bonum, unum necessarium, id est, cadens sub præcepto, alterum contingens id est, cadens sub consilio, de hoc non procedit nostrum præcedens assertum, quia qui consilium præterit non peccat. S. Tho. de ver. a. 4. non enim hōc ipso, quod conscientia alicuius secularis dictat esse bonum ingredi religionem, tenetur illam adire; intelligitur ergo de priori bono cadente sub præcepto, quia si non servamus præcepta, peccatum incurrimus. S. Tho. ibidem.

VII. Dissolvitur quædam obiectio.

Conscientia eō ipso quod dictat aliquid esse malum, obligat ad vitandum illud; ergo etiam eō ipso quod dictat aliquid bonum qualunque, inducit vi sua ad prosequendum illud. R. Concesso Anteced: neg: conseq: ob disparitatem, quod conscientia respectu mali fugientis subordinetur præceptis negativis, quæ semper & pro semper obligant: at verò respectu boni prosequendi subordinatur præceptis affirmativis, quæ quidem semper, sed non pro semper obligant, & ideo nisi sit bonum cadens sub præcepto, non obligat ad prosequendum.

VIII. Declaratur vis obligantis conscientiæ.

Tanta est vis obligantis conscientiæ, ut nec per potentiam DEI ab solutam quis impunè agere possit contra eam. Fundatur hoc in manifesta contradictione quæ inde sequeretur, vid: quod homo esset obligatus & non esset obligatus sequi dictamen propriæ conscientiæ, Primum quidem, quia maneret & perseveraret dictamen conscientiæ, quod semper obligat: Secundum autem, quia supponitur eiusmodi obligationem dispensatione divina esse sublatam, sed imperceptibile est quod in aliquo maneat sua conscientia & rectum dictamen, & quod sit per dispensationem liber ab eius obligatione: unde etiam gratis concessò, quod DEVS dispensare posset in præceptis aut primæ aut secundæ tabulæ, negamus tamen in conscientiam eiusmodi dispensationem cadere posse.

IX. Agere contra conscientiam sitne speciale peccatum?

Nec speciale, nec duplex peccatum est agere contra conscientiam. Ratio prioris est, Primo, quia agere cum remorsu conscientiæ reclamantis, est quædam generalis conditio reperibilis in omni specie peccati, sicut amor proprius: Secundo, quia conscientia non est regula diversa à præcepto, quod per eam voluntati proponitur, nec est alia obligatio disparata

sequendi conscientiam & alia sequendi præceptum virtutis, quod conscientia nobis proponit & voluntati applicat, ergo secundum se non importat speciale malitiam. Ratio posterioris est, quia lex æterna & conscientia sunt essentialiter inter se subordinatae, sicut Præceptum Regis & Prætoris, ut una cum altera non ponat in numerum, hinc contradicere conscientia est contradicere legi æternæ, illi tanquam regulæ proximæ, huic tanquam remotæ, adeoque non erit duplex peccatum, agere contra conscientiam.

X. *Iudicium conscientiae debet esse aut actuale aut virtuale.*

VT quis dicatur agere contra conscientiam, non satis est iudicium aliquod habituale, quod quis habitualiter iudicet, opus aliquod esse sibi præceptum aut prohibitum, sed requiritur actuale, vel in seipso præsens dum ad opus applicatur, vel saltem in virtute perseverans, postquam physicè præterierit actuale, ad eum modum, quod intentio virtualis ex actuali relictâ sufficiens est ad pensum horarum ritè persolvendum: sic enim voluntas vigore talis iudicij physicè quidem præteriti, sed virtualiter præsentis adhuc moveri potest ad agendum aut omittendum, secundum quod conscientia dictaverit,

PARS SECUNDA. *De Conscientia erronea.*

THESIS XI.

Conscientia errans alia vincibilis, alia invincibilis est.

Supposita in Superioribus, thesi 4. descriptione conscientiae erroneæ, dividimus nunc eam in vincibilem & in invincibilem. Illa est, quæ provenit ex ignorantia vincibili & culpabili, quæ humanæ diligentia & industria potest & debet deponi: altera vero est, quæ cum ortum habet ex ignorantia invincibili, per humanam diligentiam & industriam depelli non potest, quali errore credendum est laborasse Patriarcham Iacob, dum accessit ad Lyam nequum suam.

XII. *Obligatio conscientiae errantis.*

NEgari non potest, quin conscientia sive vincibiliter, sive invincibiliter errans inducat aliquam obligationem, ratione cuius, quisquis contra eam agit, semper peccat, eo quod voluntas nunquam eximatur ab obedientia debita rationi, etiam dum ipsa errat. Est tamen discri-
men inter conscientiam invincibiliter & vincibiliter errantem, quod illa simpliciter obliget non solùm ad negativum, ne quidquam contra eam aga-
mus,

mus, sed etiam ad positivum, ut videlicet eam positivè sequamur, hæc vero licet simpliciter obliget ad negativum, quô tenemur non agere contra illâ, ad ipsam tamen positivè sequendam non datur nisi obligatio secundùm quid & ex hypothesi. Ita colligitur ex S. Tho, in 2. d. 39. q. 3. a. 3. in corp. & de Ver. q. 17. a. 4.

XIII. Stabilitur prius assertum optimo exemplo.

Sunt v. g. duo in hoc errore constituti, quod liceat mentiri ad salvandam vitâ Principis, in casu quo aliter vita eius salvari nequit, cum hoc tamen valde observando discriminé, quod error unius sit invincibilis, alterius vero vincibilis, in hoc casu uterque parem habebit obligationem ad negativum, quod est non agere contra dictamen conscientiæ, ad positivum vero, id est, ad positivè mentiendum disparem: nam ille cuius error est invincibilis, cum eum deponere nequeat, obligatur ad reipsa mentiendum, cuius vero vincibilis est error, non obligatur ad mentiendum, sed ad deponendum suum errorem: quod si neglexerit & in alterutram partem deflexerit cum altero qui laborat errore invincibili, sive agendo, sive non agendo secundum conscientiam, inimpeditibiliter peccabit.

XIV. Objiciuntur quedam in contrarium.

Primò. Quamvis conscientia erronea invincibilis obligare posse videatur ad omittendum vel faciendum ea quæ sunt indifferentia, minimè tamen ad omittendum ea quæ sunt intrinsecè bona, aut ad faciendum, quæ sunt intrinsecè mala, uti sunt odium DEI, blasphemia, furtum &c. hæc enim nulla lege honestari possunt, ergo neque peculiari lege & dictamine conscientiæ. Secundò. Conscientiæ vis non potest in amplius, quam potestas DEI, est enim illa derivata ab ista, sed DEVIS nullò pœctò obligare potest ad blasphemiam & furtum &c. igitur multò minus conscientia. Tertiò. Sequeretur saltem quod DEVIS posset obligare hominem mediâ conscientiâ erroneâ ad aliquem actum malum, v. g. ad actum mendacij, blasphemiae, &c. quô datò, etiam per suos Ministros poterit nos decipere & inclinare ad falsum, quæ omnia sunt absurdâ.

XV. Diluitur prima obiectio.

Ad primam obiectionem & eiusmodi actus intrinsecè malos honestari dictamine conscientiæ non per se, sed sub conditione & per accidens, scilicet ratione apprehensionis, quâ indicatur bonum. S. Tho. in 2. d. 39. a. 3. in corp. cum enim lex naturalis & divina non obligent, nisi quantum proponuntur per proximam regulam ipsam nimirum conscientiam, hic & nunc autem actus eiusmodi à conscienti voluntati non proponantur sub ratione mali, sed sub ratione boni, tanquam secundum legem DEI,

fit quod huiusmodi actus sint quidem prohibiti prohibitione legis, sed non promulgatione conscientiae in ordine ad illum, qui habet conscientiam erroneam (intellige invincibilem) respectu illorum actuum; unde quamvis in eiusmodi homine adhuc perseveret secundum se obligatio non facienda actum intrinsecè malum, nihilominus ex praesenti dispositione subiecti, quodammodo dormit & stupet huiusmodi obligatio, & se habet moraliter ac si non adesset.

XVI.

Solvitur altera obiectio.

AD alteram obiectiōē R. quod conscientia obligat non virtute propria, sed virtute praecepti divini, nō enim dictat aliquid esse faciendū, hac ratione, quia sibi videtur, sed hac ratione, quia à Deo praeceptū est. S. Th. loco proxime cit. ad tertium. Vnde nō latius patet eius auctoritas, quā divina, siquidē nō obligat, nisi in vi legis divinæ, & veluti sub illius sigillo agenda prescribitur. Et quāvis DEVS per seipsum nullatenus obligare possit ad mendaciū v.g. proferendum, cum sit prima veritas & summa bonitas, quae non potest errare, ut iudicet hoc esse faciendum, quod non est faciendum. S. Tho. ibidem ad quartum, tamen obligat nos ut sequamur ductum rationis, etiam dum ipsa errat: Sicut si praeceptum Regis non perveniret ad populum, nisi mediante aliquo principe, si princeps diceret hoc est praeceptum à Rege, quamvis non esset verum, dictum suum obligaret, ut praeceptum Regis, ita quod contemptores mererentur pœnam. S. Tho. l. c. ad tertium. Adverte tamen cum eodem S. D. q. 17. de ver. a. 4. quod ille, qui conscientiam erroneam habet, inheret quidem per se loquendo conscientię rectę, sed erronea quasi per accidens, in quantum hanc conscientiam, quam credit esse rectam, contingit esse erroneam.

XVII.

Satisfit tertiae obiectioni.

AD tertiam obiectiōē dicimus in primis, quod si procedat de conscientia & errore vincibili, argumentum nullum habebit vim, quandoquidem nos libenter concedimus, DEVUM non obligare ad Positivum dictaminis errantis vincibiliter, sed ad negativum solum. In casu vero invincibilis erroris dicimus, quod DEVS per conscientiā errantē nos minimē decipiāt, nec obliget ad mentiendum pro formalī, sed tantum ad secundum dictamen rationis, cui obligationi materialiter merequē per accidens coniungitur illa defectuositas mendacij, id est, non ex procuratiōne DEI, sed ex solo vitio conscientiæ calligantis. Eodem modo non sequitur, quod DEVS per Ministros, Prophetas vel Prædicatores à se missos nos decipere possit, si enim ea nobis proferant, quae DEVS ipsis commisit, non decipiēmur, si alia, decipiēmur quidem, sed non à DEO, quia illa falsitas & fallacia primariò oritur ab instrumento defectibili, non à DEO.

XVIII. Quarta

XVIII.

Quarta obiectio, eiusq^z solutio.

Posita obligatione conscientiae errantis ad sui sequelam, sequitur hominem fore planè perplexum & necessariò peccaturum, ut si iudicet esse furandum, quidquid egerit necessariò peccabit, ergò nullam inducit obligationem. & Conscientiam erroneam nec cogere ad peccatum, nec inducere perplexitatem simpliciter, sed secundum quid & ex hypothesi tantum, si enim error fuerit vincibilis, non obligat ad positivum illud, quod peccatum est, quia potest homo conscientiam erroneam (intellige vincibilem) sicut & intentionem pravam deponere, & ideo simpliciter non est perplexus: quoddam verò positio non est inconveniens illo stante aliquem perplexum fore, id est, ex hypothesi & secundum quid. S. Tho. in 2. d. 39. a. 3. ad quintum, & de ver. q. 17. a. 4. ad 8. Si verò error invincibilis fuerit tunc illud positivum ad quod obligat, cessat esse peccatum. Hinc sit, quod si alicui invincibilis error dictaret in aliquo negotio utramque contradictionis partem esse peccatum, tunc quocunque ex duobus elegerit, non peccabit v. g. assistit aliquis infirmo graviter decumbenti, creditque invincibiliter peccatum esse, si eâ die non celebraverit, similiter peccatum esse, si infirmum tantisper reliquerit, utrumvis horum fecerit, non peccabit. Ratio est, quia ad peccatum non sufficit quæcumque libertas, sed requiritur libertas etiam à perplexitate, id est, à necessitate incurrendi alterum è duobus quævidentur mala.

XIX.

Obligetne magis conscientia errans, an
verò præceptum Prælati?

Esist v. g. casus, Præcipit Prælatus sub peccato mortali aut sub obedientia, ut subditus hoc aut illud faciat: subditus verò ex conscientia invincibili errante iudicat se peccaturum lethaliter, si hoc aut illud fecerit, quæritur iam quænam obligatio sit maior, & quænam sequenda? Respondet S. Tho. in 2. l. c. ad 3. quod dictamen conscientiae plus obligat, quam præceptum Prælati sicut & præceptum divinum in cuius virtute ligat: ut enim dicitur Act. 5. v. 19. obedire oportet DEO magis, quam hominibus, idque verum est, sive secundum rem præcipiatur aliquid contrarium DEO, sive credatur invincibiliter esse tale, quod præcipitur: unde cum præceptum divinum obliget contra præceptum Prælati, & magis obliget quam præceptum Prælati, conscientiae ligamen erit maius, quam ligamen præcepti Prælati & conscientia ligabit præcepto Prælati in contrarium existente, S. Tho de ver. q. 17. a. 5. in corp.

XX. Quō pactō deponenda sit conscientia erronea?

Cum deponere conscientiam errantem nihil aliud sit, quām iudicium erroneous mutare, id non debet temerē fieri, id est, absque ulta ratione in contrarium facta, sed debet adesse iudicium contrarium priori, quod habeat ad minus æquale & probabile, si non maius fundamen-tum, quām fuerit ab errore conceptum, imō non est improbabile suffi-
re lumen naturale ad expellendum errorem, & ad iudicandum contrarium illi quod prius tenuit.

PARS TERTIA. De Conscientia Dubia.

THESIS XXI.

Dubium aliud speculativum, aliud practicum.

Dubium speculativum dicitur, quod est de re aliqua, de qua apud Eruditos adhuc nulla exstat definitio, nec certi aliquid constat de bonitate aut malitia apud eos, qui rem ex principijs suis intrinsecis examinant, adeoque non est de actione aliqua humana, sed de quodam alio legitimo v. g. an testamentum sit legitimū? utrum matrimonium sit validū? Dubium verò practicum communiter appellatur, quando aliquis directè dubitat de re aliqua facienda, sitne licita, nec ne, v. g. suppositō dubiō speculativō de valore matrimonij, incipit quis in particulari dubitare, liceatnē reddere debitum.

XXII. Aliæ dubiorum subdivisiones.

Rursus dubium aliud est *Iuris*, aliud *Facti*, aliud *Vincibile*, aliud *Invinci-
bile*. Dubium *Iuris* est, quando conscientia hæsitat de iustitia vel ini-
ustitia actionis, v. g. an liceat die festo bellare, piscari? cuiusmodi
quæstiones in scholis agitari solent, licet hoc dubium magis censeri de-
beat *Iuris* speculativum, quām *Iuris* practicum, hoc enim versatur cir-
ca actionem humanam magis in particulari, an si illam eliciuisses, aut eli-
ceres, benè faceres. Dubium *Facti* est hæsitatio innixa incertitudini ope-
ris à te patrati v. g. an occideris vel damni alieni causa extiteris, ita quod
inde suspensa maneat resolutio, num tenearis ad aliquam restitutionem.
Dubium *Vincibile* est, si adhibitā congruā diligentia possis te ab illo expe-
dire declinando in alterutram partem media ratione sufficienti. *Invincibile*
est, si à te nec excogitari, nec aliundē obtineri possit ulla sufficiens ratio
dubium deponendi, vel adhærendi alteri contradictionis parti

XXIII. Pec-

XXIII. *Peccatum est agere cum conscientia practicè dubia.*

Actus humanus elicitus cum conscientia practicè dubia malus est & peccaminosus, aliquando mortaliter, si faciat aliquid, de quo dubitat, sitne peccatum mortale, aliquando verò venialiter, si dubitet sitne peccatum veniale. Rationem suggerit Apostolus ad Rom: 14. *Quod non est ex fide peccatum est, id est, quod non est secundum conscientiam, quæ iudicet rectum & licitum esse quod operamur, peccatum est.* Idque confirmatur ex illo Ecclesiast: 3. *Qui amat periculum, peribit in illo,* at qui cum dubio pratico operatur exponit se periculo peccandi pro qualitate dubij, ergo.

XXIV. *Quid faciendum, si pro utraq; parte dubium fuerit invincibile?*

Quod si pro utraq; parte dubium fuerit invincibile, ita quod pro nulla parte deponi possit, sitque omnino æquale, & utrinque periculum censeatur æquale, nec possit suspendi actio, licitum erit amplecti quodlibet è duobus contradictorijs. Ratio colligitur ex thesi 18, quia hic non adest libertas à perplexitate, cum non detur medium evadendi utrumque periculum. *Quod si verò pro una parte aliquid fuerit certum, & pro altera dubium, peccatum erit sequi quod dubium est,* relinquentio quod certum est, iuxta illam regulam Iuris cap. Iuvenis, desponsilib; & matrimon: Inter partes dubias eam esse eligendam, quæ tutior certiorq; existimat. Et S. Aug. hom. 41. tene certum & dimitte incertum. Hinc cum dubito, an contractus quem celebro, sit usurarius, teneor non celebrare, quia in hoc nullum est periculum.

XXV. *An in omni dubio facti melior sit con- ditio possidentis?*

Quamquam aliqui Recentiores existiment, privilegium possessionis valere in sola materia iustitiae cōmutativæ, ita quod extra illam, stante dubiō speculativō nulli liceat, ob solum titulum possessionis practicè favere possidenti, sed tutior pars ubique sit eligenda. Attamen S. Thos in suppl. ad 3. p. q. 53. art. 1. ad 14 apertè docet, etiam extra materiam iustitiae potiorem esse conditionem possidentis, hoc est, quod titulus possessionis etiam alibi excusat, licitamque reddat actionem, quæ alias ratione dubij aut alterius vinculi illicita foret: patet hoc in voto simplici castitatis, quô si alter Coniugum astrictus est, hōc ipso teneretur abstinere ab omni actu coniugali, non tantum petendo, sed etiam admittendo, quia tamen pro altero coniuge militat Ius possessionis, fit alteri licitum quasi ex in-

indirecto, ut possit petenti præstare copulam coniugalem, non tamen ut eam per modum debiti possit postulare. In quo casu constat vinculum voti tantisper cedere Iuri possessionis, quod est in altero.

XXVI. *Dubius de dominio rei possessæ.*

Hinc inferimus primò, suprapositam *Iuris regulam de meliore conditio-*
ne possidentis, etiam favere possessori rei alicuius, agri v. g. aut prædiij
de quo dubitat, an dominium eius ad se pertineat, quando dubium
subortum fuit, non statim ab initio, sed primum in continuatione istius
possessionis, dummodo adhibeat diligentiam in inquirendo certiore Do-
mino ad omne dubium tollendum. Ratio est, quia in *Iure prædiorum tam*
diu unusquisq; possessor bona fidei dicitur, quam diu ignorat (intellige per igno-
rantiam invincibilem) *se possidere alienum.* Cap. Si Virgo, 34. q. 1. quod si ve-
rò ab initio possessionis talis rei dubius erat, non potest illam retinere, quia
appropriavit sibi aliquam rem, quam non magis ad se, quam ad alium spe-
ctare putabat.

XXVII. *Dubius circa legitimam conditionem prolis.*

Inferimus secundò, dictam regulam favere quoque filio, cuius legiti-
mitas dubia est, si tamen sit in possessione hæreditatis; quod si hæreditati
divisa & ab alijs iamiam possessæ supervenerit, & legitimatem suam
per argumenta & signa, quæ pro possessione famæ legitimorum natalium
faciunt, probaverit, debent alij portionem, quæ eum iustè contingit, extra-
here, eiique consignare: Si denique bona illa adhuc à nullo hæredum pos-
fideantur, poterit is cuius legitimitas dubia est, cum alijs securè succedere,
ne pro delicto incerto subeat pœnam exclusionis certam.

XXVIII. *Dubius de valore matrimonij.*

Grave dubium est, an *meliор conditio possidentis* faveat etiam coniugi
dubitanti de valore matrimonij sui iam contracti, quia suspicatur
intercedere sibi cum Marito impedimentum aliquod v. g. consan-
guinitatis, vel quia fortè prior Maritus adhuc est in vivis &c. an stante tali
dubio possit adhuc exigere & reddere debitum coniugale? Nos relictis ali-
orum responsionibus, Afferimus, talem coniugem posse ob solum titulum
possessionis quò gaudet alter coniunx, partem minus tutam, cui tamen
possessio patrocinatur, prudenter & practicè præferre parti tutioni, & red-
dere debitum coniugale, tametsi à petendo abstinere teneatur. Ita tenent
quam plurimi DD: Et ratio est, nam Ius alterius coniugis, cui suffragatur
certitudo legitimæ possessionis, quantum est ex parte sua, manet integrum
in corpus Coniugis dubitantis, ita quod si dubitans ei usum denegaverit,
gravem iniustitiam committat contra Ius Matrimonij, ergo dubium de

incurrenta fornicatione, incestu, &c, cedere debet certæ possessioni coniugis non dubitantis, quæ proinde excusat etiam alterum coniugem, quo usque tenetur reddere, & ut manet correlativus alterius volentis uti Iure suo indubitate, alias Ius coniugis non dubitantis redderetur inutile & lubricum, si ille haberet Ius petendi, & alter non haberet Ius reddendi.

XXIX. *Enucleatur quedam obiectio.*

EX duabus malis minus est eligendum, sed adulterari aut incestum committere, est maius malum, quæ semel non reddere debitum, ergo talis coniunx dubitans potius tenebitur denegare, quam cum periculo adulterij aut incestus committendi, reddere debitum. & quod quamvis adulterium formaliter (quod contingit, dum fit accessus ad non suum scienter vel ex ignorantia culpabili) sit verè malum, adulterium tamen materialiter tale, cuius solius periculo mulier ista in hoc nostro casu se exponeat, nec malum, nec maius malum est, quæ semel non reddere debitum, quia illa invincibiliter ignorat, uti supponimus, esse alienum : nec practicè, sed solum speculative dubitat, an sit suus, in praxi vero est certa quod liceat, immo teneatur reddere, sic enim eligit partem non solum tutiorem, sed quæ sola tuta est, quam neglecta infert gravem iniuriam viro proprio & legitimo possessori, & subit periculum mortis, aperitque ianuam omnium discordiarum, &c.

XXX. *Dubius de crimine cui annexa est irregularitas.*

CAsus est talis, Concurrunt plures ad percutiendum vel occidendum unum hominem, unus illorum incipit dubitare, an sua percussione interierit, queritur, an teneatur se tanquam Irregularis gerere ? Affirmative respondemus, ob peculiares textus Iuris, in quibus dubius de homicidio ligatur irregularitate. Idque etiam confirmant Pontificum constitutiones, quæ ob periculum specialis indecentiæ decreverunt, ne homicida dubius ad sacrum altaris ministerium accedat : quod significatum videtur in Cap. Significasti, ubi sic habetur. Si discerni non posse, ex cuius iactu percussus interierit, in hoc dubio tanquam homicida haberi debet, cum in hoc casu cessare sit tutius, quam temere celebrare. In alijs vero casibus dubijs praeter homicidium. v.g. utrum legitimè natus sit &c. nemo irregularis censendus est, haec enim pena solum incurritur in casibus in Iure expressis.

XXXI. *Dubius de voto emisso.*

Certus de voto aliquo à se emisso, dubius vero de eius adimplectione, tenetur adhuc adimplere : quia cum persolutio sit dubia, obligatio vero certa, non presummitur operans esse in aliqua possessione suæ libertatis contra obligationem. Si vero dubitet de ipsa emissione voti,

non tenetur ad servandum votum, quia factum in dubio non presumitur, sed demonstrari debet, iuxta illam regulam Iuris, nemo solvere cogitur, anquam demonstratur esse debitor.

XXXII. Solvitur argumentum quoddam contra priora asserta.

IN materijs aliarum virtutum extra materiam iustitiae, non datur propriè dicta possessio, quæ conditionem dubitantis possit reddere meliorrem, ut v.g. qui dubitat an votum castitatis emiserit, nihil possidet contra votum, in dubio vero iustitiae, v.g. an prædium quod possidet, sit suum, realiter aliquid possidet, vid: prædium, ergo in alijs materijs titulus possessionis non patrocinatur dubitanti. R. negando antecedens, si enim votum dubium fuerit personale, possidet Ius libertatis suæ ad operandum, vel non operandum: si vero fuerit reale, ut cum dubitat an voiverit dare pauperibus centum aureos, utique illos adhuc possidet, donec eos, impletò demum votò, pauperibus distribuerit: Itaque quemadmodum in dubio iustitiae possessor prædij v.g. habet meliorem conditionem, potestque titulô possessionis in praxi eligere minus tutam, ita pariter in alijs materijs religionis v.g. licebit eodem titulô minus tutam eligere.

XXXIII. Corollaria quedam ex dictis inferuntur.

Ex dictis colligitur Primo, Quod si proferas aliqua verba, quæ sub ambigua significatione votum significare videntur, tu quoque dubites, an sub illis verbis habueris intentionem vovendi, tunc prorsus non obligaris, quia tandem est, ac si dubitares an votum emiseris, sicque possides libertatem contra votum: si vero verba fuerint clara & sine ambiguitate, tunc non excusaris à voti obligatione, quia probatō factō præsumuntur adfuisse omnia requisita ad illud. Cap. præsentia de prob. sicque præsumptio militat pro valore voti, donec probetur contrarium. Secundo colligitur, quod si dubitas, an materia in qua vovisti vel iurasti sit licita, non obligaris, si dubium vincere nequeas, neque superiorem pro instructione adire possis, quia DEO non potest placere id in quo periculum pravitatis imminet: habita tamen instructione, vel dispensationem impetrare, vel votum adimplere teneris. S. Tho. 22. q. 89. a. 9. ad 3. Tertiò denique colligitur, quod si dubium transierit in opinionem, & opinaris te votum aut iuramentum emisisse, teneris adimplere, quia possessio non favet opinanti, sed solum dubitanti.

XXXIV. Dubia peccata num confitenda?

Periculosè committit, qui de hoc quod dubitat esse mortale, negligit confiteri. S. Tho. in suppl. ad 3. p. q. 6. a. 4. ad 3. unde quando aliquis dubitat de

Aliquo peccato, an sit mortale, tenetur illud confiteri dubitatione manente.
Ibid. Ratio etiam id suadet, nam sacramentum poenitentiae non tantum est institutum in punitionem peccatorum, sed etiam est medicina salutaris contra omnia peccata, ergo in hoc dubio, an homo sit spiritualiter mortuus per peccatum dubium, necessarium illi erit medicinam querere, quae est contritio & confessio.

XXXV. *Diluuntur quedam obiectiones.*

Prima est. In nullo foro accusatur quis de delicto dubio, an id commis-
serit, *quia in dubio delictum presummi non debet*, ergo nec tenemur nos ac-
cusare de peccatis dubijs. Secunda, qui post diligens examen remanet
dubius, an se voto astrinxerit, non tenetur quidquam ex voto adimplere,
similiter non tenetur solvere alteri debitum, de quo dubitat an contraxe-
rit. Tertia, peccata dubia non sunt materia confessionis, haec enim debet
esse certa. Ad Primam R². Illam locum habere in odiosis, non vero in iis,
quae adeo favorabilia & animae salutaria sunt. Ad Secundam dicitur, Illa quae
adducuntur esse odiosa, ideoque non obligare. Ad Tertiam aliterimus: pec-
cata dubia se soiis non esse materiam confessionis, bene tamen iuncta pec-
catis certis.

XXXVI. *An infans cuius baptismus est dubius,* *sepeliendus sit in loco sacro?*

Placet affirmativa responsio, quod videlicet non sit privandus sepulturā
ecclesiasticā in baptismo dubio, sive dubium sit in suscipiente, sive
in conferente, sive in materia, sive in forma: Ecclesia enim hāc poenā
punit paganos, non vero illos, quibus collatus est baptismus, etsi de eius
valore ob aliquam circumstantiam dubitetur. Quod si tamen supervixisset,
sub conditione rebaptizandus fuisset.

XXXVII. *Duae generales regulae, iuxta quas casus* *in materia dubia determinari videntur.*

Prima regula est, quandocunque in dubio speculativo facti possessio ma-
gis favet DEO, Religioni, voto, obligationi &c. tunc semper tenetur
voluntas partem tutiorem eligere. Hinc dubitans, an ob tenue bene-
ficium quod possidet, teneatur recitare horas, tenebitur partem tutiorem
amplecti & horas legere, quia possessio stat pro lege, quae universem obligat
omnes beneficiatos ad recitandum horas, dubitatur autem an tenuioribus
parcat intuitu angustioris præbendæ, cum ergo obligatio certa sit,
excusatio vero dubia, possessio stat pro lege & iure Ecclesiæ & consequen-
ter probatio incumbit volenti se eximere ab illa.

Quando cumque in dubio speculativo facti possesso magis faveat operanti aut libertati voluntatis, licebit in omni materia eligere partem faciliorem minusque tutam. Hinc dubitans an expleverit annum vigesimum primum, ad ieiunium ecclesiasticum ex precepto non tenebitur, quia preceptum ieiunij, cum sit affirmativum, respectu talis nondum est in possessione, obligatque solummodo illos, qui dictum annum iam expleverunt.

PARS QVARTA.

De Conscientia probabili seu opinativa.

THESIS XXXIX.

Differentia inter conscientiam probabilem & dubiam.

Cum probabilis seu opinativa conscientia, uti constat ex thesi 4. nihil aliud sit, quam assensus ad unam partem cum formidine alterius partis, hinc vel maxime discriminatur a conscientia dubia, in eo, quod dubia neutri parti contradictionis assentitur positivè, sed manet suspensa & in æquilibrio: opinativa vero alteri parti assentitur positivè, ob rationes non quidem infallibilis & evidentes, attamen probabiles, quæ intellectum inclinant, ut ijsdem cum formidine quadam adhaereat. Nec etiam idem est conscientia probabilis & opinio, illa namque est iudicium seu dictamen rationis, iudicans, quid secundum opinionem probabilem in aliqua materia faciendum aut omittendum sit: haec vero est veluti cardo & lucerna, cuius ductum conscientia sequens tutò potest pergere & operari circa aliquid obiectum sine peccato.

XL. Opinio debet inniti dupli principio.

Porrò ad stabiendum & faciendum opinionem probabilem, debet duplex principium concurrere, aliud intrinsecum, aliud vero extrinsecum. Intrinsecum sunt ipsæ rationes probabiles, quibus opinio innitur, sub quibus rationibus clauditur etiam lumen naturale: extrinsecum vero est auctoritas DD: talem opinionem tenentium, in scientia vel illa arte peritorum. Inter ipsas verò opiniones una potest esse altera probabilius, quæ videlicet pro se habet plura & firmiora argumenta, innititurque rationibus urgentioribus & magis efficacibus vel auctoritati plurium DD: aut saltem eorum qui magis docti & periti existimantur in illa scientia vel arte,

*Opinio alia est speculativa, alia practica
probabilis.*

XLI.

Prior est, quæ habet pro se rationes & Doctorem aliquem, ita tamen ut his non obstantibus, executioni mandari aut practicari non possit, quia in praxi caret securitate: talis est opinio de peccatis dubijs necessariò non confitendis, quam tamen in praxi sequi minimè tutum esset, ut proinde eam Diana p. 4. tr. 3. resol. 5. plane reputet improbabilem, videlicet quoad praxin. Posterior verò est, quæ non solùm habet rationes & auctoritatem aliquam, sed etià tutò in praxin sine alterius periculo aut incommodo redigi potest.

*Disparitas inter opinionem probabiliorem
& tutiorem.*

XLII.

Quamquam in moralibus quælibet opinio per ipsammet suam Theologicam probabilitatē constituatur tuta etiam in praxi, non tamen idem est, opinionem aliquam esse probabilem & tutiorem, probabilitas namque respicit veritatem magis vel minus ostensam per argumenta speculativa, quæ quanto fortiora fuerint, intra metas tamen medijs topicis, tanto maiorem efficiunt probabilitatem: securitas verò respicit minus peccati periculum, adeoque provenit ex elongatione maiori ab omni etiam speculativa præsumptione committendi actum vel materialiter iniustum. Declaratur hæc doctrina exemplo: v. g. communior & probabilior opinio tenet, sacerdotem non obligari sub mortali recitasse matutinum ante celebrationem Missæ, licet pauci rigidiores opinentur eum omnino obligari, si ergo sequaretis hanc rigidorem utique eris tutior & remotior ab omni periculo impingendi, & tamen opposita sententia manet probabilior.

XLIII. De opinione probabili respectu probabilioris.

Quando inter duas opiniones una est probabilis, & altera probabilior, licitum est sequi opinionem minus probabilem in moralibus relicita probabiliori, idque non solùm quando opinio minus probabilis est tutior, sed etiam quando est minus tuta, & ut talis ab operante habetur. Ratio est. Nam quisquis operatur secundum rationem & prudentiam humanam, ac bona fide, talis tutus est à peccato, sed qui operatur secundum opinionem probabilem, operatur secundum rationem & prudentiam humanam at bona fide, non enim tenemur in moralibus sequi, quod est perfectissimum, sed sufficit sequi bonum & tutum, ut patet v. g. dum absolute adoramus hostiam, et si evidenter certi non simus, an sit consecrata, dque facere possumus absque omni periculo idolatriæ, ergo &c. Ac-

cedit, quod si foret periculum operari secundum opinionem minus probabilem, minusque tutam, utique universalis Ecclesiae tanquam sollicitate Matri salutis filiorum suorum, incumberet, in omni negotio eliminare & è medio tollere opiniones minus tutas, quod cum omittat, signum est, nulli sententiae probabili in esse periculum.

XLIV. De opinione unius novi singularis Doctoris.

Nemini tutum est contra communem Scholasticorum sententiam operari secundum singularē ac novam opinionem unius novi Doctoris quantumlibet gravis & pij, donec illa annosior facta, censeri possit communi Scholae iudicio approbata. Ratio est, quia semper temerarium & periculosum est, velle sapere contra communem DD: sententiam; hinc potius à quolibet Christiano christiana prudentia & modestia requirunt, non altum sapere, sed sapere ad sobrietatem, ad Rom: 12, ac presumere, quod plus videant oculi, quam oculus, id est, facilius se unum errare posse, proprijsque affectibus seduci, quam totalios præcellentes viros: quem in finem Sap: proverb. 3. dicit, Ne imitaris prudentia tua. Item ibidem v. 24. *Ne sis sapiens apud temetipsum*, id est singularis in opinando.

XLV. Impugnatur prior thesis, sed defenditur.

Ecclisia DEI quotidie adhuc illuminatur, & interdum revelatur minori, quod maior nescit, immo vel maximè per hunc modum, sententiae quæ ab initio non fuerunt communes paulatim cum plausu & utilitate scholis investitæ fuerunt, ut patet de veritatibus elucitatis tempore SS: Thomæ & Bonaventuræ contra communes tunc temporis sententias. &c. Ecclesiam in dies illuminari non per inventionem novarum opinionum contra antiquas, sed per devotionem novarum conclusionem ex principijs per antiquitatem & communem P P. consensum iam stabilitis: Et quamquam sèpè reveletur minori quod maior nesciebat, non tamen contrarium eius, quod vel tota multitudo, vel modernorum DD. unanimis consensus scivit & constituit. Deinde etiam verum non est S. Tho. vel D. Bonaventuram studuisse novis opinionibus invehendis, cum non nisi doctrinam antiquorum P P. tradiderint, aut certe conclusiones ex ipsis deduxerint, ut ipsos insipienti patebit.

XLVI. De opinione eligenda circa administrationem Sacramentorum.

In administratione Sacramentorum non licet promiscue elegere sententiam minus probabilem relicta probabiliori, sed plerumque ea eligenda est, quæ favet suscipienti, & quæ putatur certius conducere ad veritatem Sacramenti. Ratio est, quia Sacraenta se totis in favorē suscipientiū ordinata sunt, unde ad minus in ijs sacramentis, quæ sunt de necessitate salutis

peccaret sacerdos contra misericordiam & charitatem proximo debitam, si, ubi potest, certum illi adhibere salutis remedium, utatur incerto, cui secundum rem forsitan potest subesse falsum & consequenter periculum amittendi vitam aeternam: hinc in Baptismo nunquam licebit adhibere hanc formam, *Baptizo te in nomine Genitoris, Geniti, & Procedentis ab utroq;*, quantumvis ad confectionem huius sacramenti credatur sufficiens, nec in re ab alia consueta forma differat.

De opinione eligenda circa absolutionem moribundi solum generalia signa doloris, sive in presentia, sive in absentia sacerdotis exhibentis.

Difficultas haec iam dudum inter Theologos tam antiquos, quam recentiores agitata est, & quidem in dupli sensu, *Primo*, an liceat impendere absolutionem sacramentalē, infirmo qui vi morbi oppressus in præsentia sacerdotis nullū particulare peccatum explicare potest, sed tantum generalia signa doloris tundendo v.g. pectus &c. exhibit? *Secundo*, an absolvī possit, qui in præsentia sacerdotis nec generalia signa pænitentiae exhibet, testantur tamen astantes ipsum ante adventum sacerdotis eiusmodi signa edidisse & confessorem petiisse? *Qua* in re duæ sunt inter se pugnantes sententiæ, una affirmativa, & altera negativa: quarum Fautores ad longum refert Diana p. 3. tr. 3, resol. 1. Et quoniam affirmativa quoad utrumque sensum magis fundata est in Angelico nostro Præceptore, & insuper cedit in favorem & maximam consolationem hominis moribundi, ac denique Christiana charitas, ut eam practicemus, à nobis exigere videtur, ideo eam tanquam probabilissimam amplectimur. *Quam* ut explicemus sit Thesis.

XLVIII. Resolvitur difficultas quoad priorem sensum.

Qvando moribundus coram Sacerdote nullum peccatum particulare explicare potest, exhibet tamen signa quædam, quibus ostendit se peccasse, ideoque dolere, potest sacramentaliter absolvī. Ita manifestè colligitur ex S. Th. in suppl. ad 3. p. q. 9. a. 3, quatenus ibidem docet, quod confessio, secundum quod est pars sacramentalis, habet determinatum actum, sc: proprium verbum: alij autem modi sunt induci in supplementum istius. Deinde in sol. ad 2+ concedit de muto, vel qui est alterius lingue, sufficere, quod per scriptum, aut per nutum, aut per interpretem confiteatur, quia non exigitur ab homine plus, quam posse. Ad quæ verba sic subsummimus, sed talis moribundus, non potest plus quam nutibus se peccatorem ostendere, ergo hoc sufficit, ut sit capax absolutionis sacramentalis. Patet consequentia. Quia quando non possumus unō modō, debemus secundum quod possumus confiteri. Ibid. in fine sol. ad 2.

XLIX. *Resolvitur quoad posteriorem sensum.*

Etiam moribundus, qui priusquam sacerdos adveniret, dedit signa pœnitentiae & petijt confiteri, interim tamen, tractâ morâ, voce & sensu destituitur, potest à superveniente sacerdote sacramentaliter absolvî, modò testes in præsentia utriusque tam sacerdotis, quâm infirmi fateantur illum confessorem petijsse. Et ita docet S. Tho opus 65. §. de Sacramento vñctionis non procul à fine, ubi hæc habet aurea verba. Si autem infirmus, qui petit vñctionem, amisit notitiam vel loquelas, antequam sacerdos veniret ad eum, nihilominus ungar eum sacerdos, quia in tali casu debet etiam baptizari, & à peccatis absolvî. Hæc S.D. Accedit quoque ratio. Nam Christus Dominus contulit suis sacerdotibus potestatem & auctoritatem absolvendi à peccatis quocunque verè pœnitentes, qui se in tali foro clavibus Ecclesiæ subiiciunt, sed talis moribundus verè pœnitet, & peccata sua confitetur modo sibi possibili & pro statu in quo eum constituit conditio naturæ, ergo potest absolvî. Nec verum est, quod eiusmodi sive confessio, sive absolutio, damnata sit per decretum fel. record. Clementis VIII. Anno Christi 1602, solum enim ibi damnata fuit confessio, quæ fit per internuncium aut sacerdoti absenti, qualis ista non est.

Argumenta contra priores theses, sententia

L.

negative faventia.

Primo. Confessio iuxta Christi Domini institutionem debet esse integra, talis autem non est confessio, de qua est sermo, cum moribundus planè nullum in specie recenseat peccatum. Secundo. In hac confessione nulla datur materia determinata. Tertio. Pœnitens solum ostendit se habere voluntatem confitendi, re ipsa autem non confitetur: ergo talis neutiquam capax est absolutionis sacramentalis.

LI.

Satisfit argumentis propositis.

Ad Primum &c. in tali casu ad integratatem confessionis sufficere ipsam substantiam confessionis, quando iam nihil amplius est possibile, unde ad impossibile moribundus minimè cogendus est. Ad Secundum dicitur, quod non detur quidem materia determinata secundum speciem infimam, benè tamen in genere offendæ divinæ, quod in hoc tam extraordinario casu sufficit. Ad Tertium denique &c. quod hic non solum habeat voluntatem aut propositum confitendi, sed etiam re ipsa iam inchoat confessionem, eamque prout potest instituit, subiiciendo scilicet statum peccatoris in ordine ad claves sacramenti pœnitentiae, quod sufficit, quando iam aliud præstari non potest: In absentia verò sacerdotis committit id astantibus tanquam suis interpretibus, ut id sacerdoti denuncient, & absolutionem pro ipso impetrant, casu quo ipse per se hoc facere nequeat.

LII. De opinione eligenda in materijs & causis iustitiae, & quæ concernunt Ius tertij.

Vxta diversitatem materiarum diversæ hic occurunt resolvendæ difficultates, quæ sequenti versu continentur.

Rex, Medicus, Miles, Iudex, Idiota, Magister.

Quibus si adiungatur Advocatus, septem erunt de quibus dubitari potest, num quilibet in sua materia eligere possit, opinionem probabilem relicta probabiliori: quod nos per totidem theses, cuilibet suam determinantes, explicabimus.

Iudex.

In causis criminalibus, ubi agitur de vita, honore, aliavè mulcta Reorum tenetur Iudex favere Reo, qui est in possessione vitæ, honoris, ac bonorum, quandoquidem omnes leges positivæ, quoad fieri potest in mihiorem partem sunt interpretandæ, Iuxta illam Regul. 11. de Reg. Iuris in 6. cum sunt partium Iura obscura, Reo potius favendum est, quam Actori. Nisi argumenta pro Iure fisci essent nimis certa & evidenter.

Si verò quæstio & dissidium sit de probabilitate facti, tenetur Iudex decernere secundum partem tutiorem & probabiliorem, ita ut si argumenta fisci sint probabiliora ad convincendum Reum de opere patrato, tenetur Iudex procedere contra reum ad minus usque ad torturas pro exprimenda veritate, non verò procedere potest ad finalē sententiam, quamdiu vel modica probabilitas pro reo manet, quia iniquum est decernere pœnam certam delicto incerto.

In causis denique civilibus seu iudicib[us] distinguendum est, vel enim neuter litigantium est in quieta possessione rei, de qua litigatur, vel alter iam possidet: Si primum probabile est ex communi sententia non obligari Iudicem ad sequendum probabiliorem sententiam seu ad decidendum pro illo, qui habet apparentiores prætextus Iuris, præsertim si alteri faveat maior probabilitas facti. Ratio est, quia non appareret obligatio, cur non possit Iudex, seposita tantisper opinione propria, admittere hic & nunc alienam, quam novit ab alijs eruditis & probis, censeri probabiliorem suā. Si verò dicatur secundum, quod videlicet altera pars litigantium sit in quieta possessione, nulla probabilitas sufficiens est, ut res adiudicari possit contrariae parti, sed requiruntur argumenta certa, quæ omnino convincant possessionem iniquam, aut malæ fidei esse: igitur quoque adversarius Ius suum liquidò non probaverit, melior manere debet conditio possidentis.

LIII.

Advocatus.

Certum in primis est, *advocatum in causa quam novit esse iniustam seu desperatam advocare non posse. L. rem non novam. S. Patroni c. Iudicibus* Ratio est, quia ubi cliens nullum habet ius litigandi neque *advocatus habere potest ius* *advocandi. Idem etiam dicendum videtur in causa probabili, cui ex altera parte obest possessio bona fidei vel saltem quieta, cum sufficienti quoque vel etiam maiori probabilitate Iuris & facti: cum enim Iudex non possit favere actori talis causæ contra possessorem, videtur etiam *advocatum non posse in eum finem operam suam locare. At verò in causa utrinque incerta, & ubi neuter litigantium est in quieta possessione, licitum est *advocato suscipere partem* habentem ius probabile, et si causam adversariam putet habere ius probabilius faciliusque obtainendum: Ideò enim permittunt Iura *advocatum ut veluti viarius partis litigantis causam dubiam & controversam cum adversario contestetur, atque propositis Iuribus & rationibus, Iudicis sententiam postulet: cum non raro contingat, causam, quæ ab initio litis videtur minus probabilis, in processu, facto diligenti examine, evadere probabilitatem.***

LIV.

Rex.

Rex seu Respublica habens & inveniens pro se post diligens examen non nisi ius probabile, alter verò Rex, Respublica seu Princeps absolutus non subditus habet ius probabile cum possessione quieta, non potest contra hunc movere bellum ad effectum spoliandi. Colligitur ex dictis thesi 52. circa Iudicem, quæ omnia tantò magis hic tenent, quantum plures hominum vitæ & fortunæ periclitantur in bello, quod si neutra pars fuerit in quieta possessione, poterunt convenire de arbitris eligendis, qui si uni parti causam adiudicaverint, tenetur altera pars cedere: si resistat, nec supersit aliud medium exequendi sententiam Iudicium, Rex Actor potest sua auctoritate movere bellum in contumacem, eumque repellere non tantum ab usurpatione, sed etiam exuere bonis proprijs, quantum sufficit pro recompensatione sumptus bellici, & vindicta iniuriæ illatae.

LV.

Miles.

Quando causa belli manifestè est iniusta, nullus miles sive conductus, siue non conductus potest iuvare talem Regem in bello, alias tenebuntur, ad restitutionem totius damni, quod infertur adversæ parti. Quod si verò iustitia belli dubia sit, poterunt milites subditi, vel etiam certis stipendijs addiciti bellare suo principi, et si dubitent de iustitia belli, quia subditus tenetur obedire suo superiori, quoque non mandat

aliquid, quod vel certò sit, vel certò credatur esse præter aut supra illius potestatem, unde conscientia eorum securè conquiscere poterunt in auctoritate principis, donec aliunde constet bellum iniustum esse. Accedit, quod in dubijs præsumptio semper stat pro principe & superiore, cum ergo hic sit in possessione mandandi, tenetur subditus obedire absq;e discussione mandati, quando non creditur esse in materia mala.

LVI.

Magister.

Magister seu Professor publicus non potest docere opinionem probabilem aliorum, relictā sua propria quam iudicat probabiliorem.

Ratio est, quia Doctor publicus tenetur iudicare de opinionibus, non ex nuda auctoritate aliorum DD: sive ex principijs extrinsecis, sed quoad fieri potest, secundūm principia intrinseca, teneturque in illis pro viribus conniti propinquius accedere ad veritatem, & recedere à periculo falsitatis etiam speculativæ. Exercitij tamen gratiâ benè potest quandoq; sustinere minūs probabilem contra probabiliorem,

LVII.

Medicus.

Non est licitum relictis medicamentis certis, applicare infirmo incerta licet illa probabilia fuerint. Ratio est, quia in Medico extat obligatio officij & charitatis, ut iuvet infirmum certiori via quā potest: quapropter licet opinio illa de salubritate aliorum medicamentorum sit medicè probabilis, usus tamen illius opinionis theologicè est improbabilis & minimè tutus. Quod si nullum adsit remedium certum, tenebitur Medicus eligere opinionem probabiliorem & tutiorem in eligendo pharmaco, relictō minūs probabili, aliās imprudenter agere videretur in re tanti momenti salutem proximi discrimini obiciendo. Quando denique nulla amplius supereft spes de salute infirmi, non licebit ei applicare medicinam, de qua dubium est, an profutura sit, an verò nocitura, vitamq; abbreviatura. Ratio est, quia in dubijs tutior pars est amplectenda, maxime ubi is de cuius damno vel periculo agitur, est in legitima possessione rei valde charæ, sed in casu posito medicina illa valde dubia est, infirmus autem reperitur in possessione vitæ, quā nil charius, nec in eam aliquid Iuris competit Medico, ergo talis medicinæ applicatio tuta non erit, sed oportebit potius infirmum DEO & naturæ relinquere, quam novo periculo sine probabili spe fructus exponere.

LVIII.

Idiotæ.

Nomine Idiotæ intelligimus eum, qui quamvis in materijs alijs sit literatissimus, in materia tamen morali de probabilitate opinionum ex principijs intrinsecis iudicare non potest, sed tantum ex auctori-

tate aliorum, quos consulit, quorum simplex asseveratio ei sufficit. De tali igitur assentimus, quod in dubijs se conformare debeat responsis & consilio sui Confessarij, vel DD: quos credit esse peritos & doctos; sic enim prudenter dictat, ut qui in re gravi non sufficit seipsum dirigere, confugiat ad Magisterium & opem aliorum, quā habità tenetur sequi eorum sententiam & instructionem dubiumque deponere ac securè operari, quo in casu etiam si fallacia quædam interveniret, is tamen ob bonam fidem & ignorantiam invincibilem excusaretur.

PARS QVINTA. De Conscientia Scrupulosa.

THESIS LIX.

Vnde derivetur Scrupulus & quid sit.

Conscientia scrupulosa (tropicè sic dicta à scrupulis seu parvis lapillis qui quantumvis leves & parvi, intra calceum tamen ambulantium immisi, non tam vulnerant, quam divexant) formaliter consistit in quadam anxia formidine, timens ne forte malum sit, quod tamen sat probabiliter licitum esse putatur v.g. præcipit Prælatus infirmo, ut comedat carnes in quadragesima ex consilio Medici, obedit ille cum assensu sufficienti, quod liceat in tali circumstantia vesci carnibus, quia tamen res admodum sibi insueta est, sentit trepidam quandam repugnantiam & remorsum: unde insurgit anxietas in appetitu, & hæc propriè scrupulus appellatur.

LX. Effectus & pericula Scrupulorum.

Proprius effectus scrupulorum est, taliter perturbare mentem, ut rationes apparentes & fuitiles occurrentes habeat tanquam demonstrationes, è contra rationes solidas in favorem trepidantis animæ vix aut nullatenus admittat, hinc fit quod scrupulosus totam vitam consumat in mœrore & afflictione spiritus, ac suave iugum DEI reddit onus importabile: & quia ut dicitur Proverb. 17. v. 22. *spiritus tristis exsiccat ossa*, id est, omne animi corporisq; robur debilitat, ut colligitur ex S. Th. 1. 2. q. 37. a. 4+ ideo subinde homo per scrupulos inutilem se reddit ad præstandum suum officium, vel retrahitur à bonis operibus, præsertim ab usu salutari sacramentorum pœnitentiæ & Eucharistiæ: unde etiam eventus compluries docuit, quod eiusmodi scrupulosi pedentem dilabantur per viam accediæ ad teterima vitia, frustra quærentes in vijs perversitatis dulcedinem illam, quam, ne in semitis mandatorum DEI invenirent, ipsi sibi impedimento fuerunt. Et hoc dictum sit propter eos, qui ex propria negli-

gentia & socordia scrupulosi sunt, non propter illos, qui ex speciali ordine & providentia divina permittuntur acerbissimis scrupulis dilaniari, quatenus occasionem habeant pugnæ & exercendæ spei, ut habeant intensiorem curam ad DEI auxilium recurrendi, ut de gratia & auxiliis supernaturalibus reverentiūs, deque viribus proprijs modestius sentiant, inter quos putatur eminuisse Iob, cuius fuit in summis anxietatibus iste heroicus animus, etiam si me occiderit, sperabo in eum, Job. 31.

Conscientia Scrupulosa non obligat ut sequatur eam.

LXI.

Hinc evidenter inferimus conscientiam scrupulosam minimè obligare ut eam sequamur, sed possumus contra eam agere vel deposito scrupulo, vel eō permanente. Ratio est Primo, Quia cum scrupulus originem trahat ex levi fundamento, non est sufficiens ad afferendum morale iudicium, ita ut qui facit aliquid cum scrupulo permanente, dicatur illud contra dictamen conscientię facere, conscientia enim non dictat illud esse illicitum, sed scit & firmiter credit esse licitum cum aliqua apparentia oppositi. Secundo. Scrupulus secundum se non est error, cum se teneat immediate ex parte appetitus, non verò ex parte rationis, neque formaliter consistit in dubietate, sed tantum affundit ex parte intellectus suspiciones frivolas, & ex parte appetitus agitat inquietudinem pusillanimi- tatis, atqui cum his omnibus benè potest stare bona operatio, ergo &c.

*De remedij quibus subveniendum
Scrupulosis.*

Ex pluribus remedij quæ passim à DD: contra scrupulos assignantur, nos duo adducemus, unum ex parte scrupulosis, alterum ex parte confessarij. Potissimum remedium ex parte scrupulosis est, non inniti iudicio proprio, quantumvis sibi ingeniò, doctrinâ rerumque experientiâ pollere videatur, sed humili, candidâ, cœcâque obedientiâ se submittere iudicio Confessarij prudenter, cuius erit reliquas deinde illi applicare medicinas pro qualitate conditionis subiecti : cum enim scrupulosus in illa materia per seipsum non sit aptus examinare rationes, siquidem turbante pavore, levissima quæque motiva apparent ei gravissima, & quod intensius conatur se liberare, eō deterius se intricat & involvit, ideo præstat alieno se hic committere arbitrio & directioni.

Alterum remedium ex parte Confessarij.

Confessarij est in primis cognoscere morbum, sive verè scrupulosus, & num in omni materia, an verò in aliqua particulari tantum, item an de factis, an verò de faciendis vexetur. Si de factis seu perpetra- tis

tis non permittat Confessarius pœnitentem aliquas confessiones cum anxietate recoquere, si probabiliter existimare potest, eum hactenus medium diligentiam in faciendis confessionibus adhibuisse, ne si unam confessionem repetere admittatur, mox novo & forsan vehementiori angore crucietur circa ipsammet ultimam confessionem, fueritne cum sufficienti examine, dolore &c. Si vero dubium rationabile fuerit de aliqua præteriorum confessionum, suadebit ei, si videbitur, generalem recapitulationem omnium mortalium totius vitæ, quantum moderato examine poterit asseQUI, facere, quæ semel facta, non patiatur eam reassumi plures. Item etiam eiusdem dubitationes frivolas saepius in leniorem partem interpretetur, saepius etiam non admittat, sed duriusculè repellat.

Quod si vero scrupulosus vexetur in agendis, moneatur ne nimia sollicitudine disquirat singulos apices, ac si sub omni saxe lateret scorpio: exagerentur ipsis frequentius adagia scripturæ de DEI paterna cura & custodia erga suos v.g. ex Apost. Si DEVS pro nobis quis contra nos? DEVS iustificat, quis est qui condemnat? Rom: 8.

Denique persuadendum est misero, ut in suis actionibus non aperte, evidenterque malis, seponat omnem formidinem, aliquando etiam praecipiatur eidem, ne metuat peccatum, ubi non cum iuramento asserere possit peccatum adesse, quia sic formido periurij expugnabit, aut saltem diverget formidinem de altera malitia.

Faxit DEVS ut conscientia nostra taliter illuminetur & dirigatur ab ipso, ut & hic & in extremo iudicij die, mundâ ab omni labe conscientiâ, ipsis placere perpetuò possimus, hic autem nos spiritualem exinde consolationem capiamus, siquidem iugiter requiescit is, quem conscientia non reprehendit, & sapientissimo Salomone teste, Iuge convivium conscientia bona. Proverb. 15. v. 15.

Omnia ad maiorem DEI, Magnæ Matris Virginis
Mariæ, Sancti Patris nostri Norberti, & Divi
Thomæ Aquinatis Praeceptoris
nostri, honorem &
gloriam.

REVERENDISSIMO ET AMPLISSIMO
DOMINO, DOMINO
C O N R A D O

CELEBERRIMI MONASTERII MARCHTALLENSIS

S. Ordinis Canonici Præmonst: *ABBATI* Meritissimo, studiorum
Fautor, Premotor & Mæcenati Colendissimo,

Gratitudinis Thessera & affectuosum amoris *Mæuvosyov.*

CEu parit ingenium varias in imagine formas;
Sic in structuris multiplicantur opes.

Primus in excelsis ponit sua nomina tectis,

Aedibus ac folio, firma futura solo.

Alter erit gazas qui querit, et aggregat aurum,

Ut sic in fulvo fulgeat altus honor.

Non rarus vario cupiet clarescere bello,

Exclamans victor, victus hic hostis habet.

Quisq; suus faber est fortunæ, ac culminis alti;

Ni cadat in proprias alea iacta plagas.

Cunctis his præstat Sapientia prima Tonantem

In caelis verum noscere, mente sequi.

Hoc opus, hic labor est, hic sunt fundamina mundi,

Hac est alternis fabrica prima polis.

Tu Venerande Pater, senio clarissime Præsul,

Hoc agis, et sanâ mente revolvis opus.

Candidus in niveo vis nos candescere prato

Præmonstratensi: dum Sapientia nix.

Mente niuem capimus, binas ad sydera palmas

Extendendo, tuis semper in obsequijs

Quid querant aliud Fratres, veriq; clientes

Quam Numen summum et Te quoq; nosse Patrem?

IN INSIGNIA EIVSDEM REVEREN-
DISSIMI DOMINI, D. ABBATIS
MERITISSIMI VOMERE CONSPICVA.

Terra tulit spinas postquam decepta comedit
Arridens pomum, prima, Virago, parens.
Nec mirum; malum vetitum quod suaserat illi
Serpens gustatum, mox mala multa tulit,
Exortæ sentes interne, ac mente vepreta
Criminis, exilij, perpetuaqz Stygis.
Quid magis his pungat, quid plus pungendo cruentet,
Ac cum terrificâ morte peremptus homo?
Tollenda spina, fulcanda est vomere tellus,
Et quos culpa ligat, dextra ligone iuvet.
Quis ligo? mundicies, quis vomer? Cana senectus;
Hæc spinas tollens scit resecare malum.
Rarus hic est vomer, sed quem tua dextra laborans
Arripit, ut mentis sedula purget agrum.
Nocte diuqz studes vigilando, Deumqz rogando,
Ut spinas tollas criminis, arte malum,
Insuper in nostras, rara dulcedine, mentes
Virtutes plantas, optimus Agricola.
Hoc solum supereft, ut pergas vomere mentes
Sulcare, excrescent, lilia, quanta voles.

Obtulerunt humili debitoqz obsequio
R.R. Patres & Religiosi Fratres
Ibidem Professi, Filij obsequentissimi.

- Admodum R. P. GALLVS Kestlin Prior.
R. d^{us} P. CAROLVS Bühel Subprior.
R. P. DIONYSIVS Schelklin Senior, Generosi Domini Ba-
ronis, Domini Bernardi Speth à Zvifalten, Sacellatus.
R. P. BERNHARDVS Kesinger.
R. P. HVGO Vogel Parochus in Dietterskirch.
R. P. IOANNES GEORGIVS Kiene SS, Theologiae Doctor,
& Lector, Parochus in Saulgart.
R. P. PLACIDVS Braunacker, Secretarius & Parochus in
Seekirch.
R. P. SEBASTIANVS Leuprandt Parochus in Wachingen.
R. P. MODESTVS Schvvartzenberger Cellarius.
R. P. DOMINICVS Molitor Parochus in Bielringen.
R. P. TIBERIVS Bitterlin Philosophiae Lector, Parochus in
Munderkingen.
R. P. FRANCISCVS Bühel.
R. P. BONAVENTURA Werner.
R. P. GODEFRIDVS Dorner.
R. sus F. NORBERTVS Kheyel.
R. F. IOSEPHVS Hoël.
R. F. IOACHIMVS Leyrer.
R. F. AVGUSTINVS Stauderauß. } SS. Theologiae
R. F. BENIGNVS Miller. } Studiosi.
R. F. BARTHOLOMAEVS Agricola.
R. F. SERAPHINVS Bechler.
R. F. FIDELIS Messerer.
R. F. NICOLAVS Wirieth. Nov. } Philosophiae Stu-
R. F. IOSEPHVS Keller Nov: ex Roth, } diosi.
R. F. IACOBVS Herlin Convers.
R. F. INNOCENTIVS Haffner. Convers:

REVERENDO, RELIGIOSO
ET PER DOGTO PATRI GODEFRIDO
DORNER GERMANO GERMANVS V.E.
lul alter ipsi Pater Nutritius, hasce de Conscientia
Theses propugnanti,

Ex nuce fit corylus, de glande fit ardua quercus.

DAnt vitam natis gignendo, forcendo, Parentes,
Et quos fert tellus, sapè tulere manu.

Hic amor, hac cura est laudabilis, atq; Paterna,

Ut magni fiant, gloria prima Patris.

Tu Frater mihi natus eras sub pectore charus,

Quem nutrit vit amor, sedula cura tulit.

Ex nuce fis corylus, de glande sat ardua quercus,

Dum studijs animum tradis, et alia petis.

Perge, labor tuus est; Frater vis vincere Patrem?

Vincas, nam Sapiens gloria Patris eris.

Fraterni affectus ergo

Gratulabundus apposuit

Mag: Ioannes Dorner Ruralis Ca-
pituli Saulgensis Camerarius
Parochus in Ertingen.

R.E.

REVERENDIS RELIGIOSIS AC PER-
DOCTIS DOMINIS HARVM THESIVM
PROPVGNATORIBVS.

M Archtallensis agri quid agis veneranda Iuventus ?
Cur nova defunctora prælia Marte canis ?

Scilicet ignoras quæ damna tulere coloni ?

Nuper in orbato Gente furente solo,

Non bene conveniet (vix facta pace) per Vrbes

Rursum magnanimos solicitare Viros.

Attamen ut præfers non est Tibi cura pericli

CANDIDA PROGENIES, tela nec arma times.

Docta sati vitare dolos, vitare meandros

Haud faciles. Iocus est (Hoc Duce) castra sequi.

Nam labor assiduus nunc CONSCIA CORDA malorum

ANGELICA Superas edocet ARTE vias.

ERRANTES perducit oves ad amena Salutis

Pascua; nunc gravidis crimine, solvit onus.

Hinc, RECTA populis monstrat RATIONE, quod unum

Turpe nefas homines dividat, inde Deos.

Plura facit: DUBIAS cogit clarescere MENTES,

Pectora divino Lumine cuncta replet.

Hoc fulgore animi cæcas PLEBS CLARA tenèbras

Pelle procul; toto crescat ut orbe salus.

Aude aliquid! levis HERCULEUM non terreat hostis

PECTUS; iam viætrix Gloria ferta parat.

State Viri! pugnate alacres, Victoria constat,

SANCTA etenim nullo turbine CAUSA cadet.

Honoris & amoris ergo

Accinuerunt,

FR. FIDELIS MESSERER,

FR. JOSEPHUS KELLER,

FR. NICOLAUS WIRIETH,

ERUD. D. IO. GEORGIUS FELBER.

Philosophia
Studioſi Ibid.

Iisdem Dominis Defendantibus,

Fratres, quæ retinet vestras audacia mentes!
Excidit è cælo Phaeton temerarius alto,
Et vos virtutis qui candida signa secuti
Poscitis errores (heus! damna cavete) tueri.
Hiccine profectus, vestri fructusq; laboris?
Ah! satius talem fuerat vitâsse laborem.
Cùm labor hic vester nil sit nisi conscius error.
Atqui non ipsos errandi queritis actus,
Sed modò notitiam generosè errata tuendi,
Pergite; nam multos errorem nôsse beauit,
Et plures non nôsse, stygis detrusit ad undas.

Offerunt

Ad idem Institutum aspirantes
Ibid. Syntaxeos Studiosi.

FRANCISCVS Rieger.

IOANNES GEORGIVS Berchtoldt.

IOANNES GEORGIVS Steber.

Cum Facultate Ordinarij.

CONSTANTIAE,

Ex Typographèo Episcopali, apud Ioannem Geng. Anno 1652.

